

Unner Meiler macht ball zu...

Wer noch emol nei unnern schenn Meiler nooch dr Sose gieh will, dar muss siech sputn: Im Oktober wird dar fei zugemacht, de Wirtsleit gabn nooch gut 20 Gahrn auf. Kaa Nachfolcher is in Sicht un dann siehts gar net gut aus mit den schenn Stickl arzgebirgscher Haamitgeschichte. De Köhlerhütt gibt's ja schu lang nimmer. Mir warn als Verein, aa mit de Biebertaler gern dort driebn. Schod drim!



Quelle: Artikel in der FP / Bilder: Ansichtskarten privat

Fahrdienst für Oktober

Wer am 06.10.2016 abgeholt und auch **wieder nach Hause** gefahren werden will, der möchte bitte bis 17.00 Uhr anrufen:

Matthias Schürer - Tel. 2666 oder 2141

Sollte der Fahrdiensthabende nicht gleich erreichbar sein, dann bitte öfter anrufen – ruhig auch schon ein oder zwei Tage vorher !!!



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Fax 037752 / 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 87054000 389 220 7258
BIC: WELADED1STB

Unner Blatt`l



Nummer
139

Mitteilungsblatt des
Erzgebirgischen Heimatvereines Eibenstock

Oktober
2016



Dr Beifall is dr schennste Fall!

Dr Schwammemand

Iech bi dr alte Schwammemand
un bi bei alt un gung bekannt.
Zah Stund in Imkreis weit un braat
bi iech drham in Wald un Haad.

Su mancher, dar nicht ahnlich sieht
hat doch e treies, guts Gemiet.
E Mannichs Schwamml frißt dr Wurm -
un mannichs Maadl is vordorbn.

Mei zweeter, ach du Ugelick!
Dar is gewachsn wie e Strick
un kunnt halt när e Schneider warn,
drim nenn iech den men Ziegnbart garn.

Mei zweete macht mir aa viel Freid -
e flessigs Weibsn un gescheit -
is net ze klaa un net ze gruß,
mei Butterschwamml sog iech bluß.

Iech kenn de Schwamme alle fei,
obs gute oder schlachte sei.
Un mannichsmol do kumme mir
de Menschn wie de Schwamme vir.

Iech hob zwee Buhn un aa zwee Maad.
Mei grußer Gung – nu su ne Fraad -
dar fiel ins gruße Lus mit nei,
des is e Glickspilz, meiner Trei!

Mei Stolz, des is mei gruße Maad!
Des is e Mensch – e wahrer Staat -
Blieht wie ne Rus, is karngesund
un wie e Staapilz fest un rund.

Wenn iech emol de Schwammle hoh
un meine Alte lappt mieh roh,
do lach iech bluß un sog net faul:
„Du alter Giftschwamm! Halt die Maul!“

Is letzte Rösl

Von Stephan Dietrich (Saafnlob)

Nu gieht dr Sommer, laar schu stieht is Fald
De Vugelbeer fängt langsam aa ze glühe.
När aasam dort an Hanebuttenstrauch
Will noch e aanzigs Rösl wetter blühe.

„Du kennst ne Harbist nett mit Regn un Storm,
Du aasams Rösl dort an Wiesenrank.
Denkst när, dr Sommer, daar ka nett vergieh. —
De schiene Zeit, die dauert nimmer lang.“

Wasst nett, wenn Winner kimmt un Schnee un Eis
Ihrn Mantel braaten über Barg und Wald,
Wenn Baam un Busch is letzte Blatt verliern,
Un übern Acker strecht dr Wind su kalt.

Du aasams Rösl, kumm, iech hul dich ham.
Bei mir, do kast de noch e bissl blühe.
Söllst mir Erinnerung an Sommer sei. —
Kumm mit, de Vugelbeer fängt aa ze glühe.“

Wir gratulieren unseren Heimatfreunden

Rainer Tittel	am 02.10.	zum 68. Geburtstag
Antina Richter	am 10.10.	zum 53. Geburtstag
Maria Kittelmann	am 13.10.	zum 82. Geburtstag
Horst Diersch	am 15.10.	zum 87. Geburtstag
Eberhard Oswald	am 20.10.	zum 67. Geburtstag
Adelheid Müller	am 29.10.	zum 72. Geburtstag
Hubert Brückner	am 31.10.	zum 51. Geburtstag

Als neue Vereinsmitglieder begrüßen wir: Antje Haustein (bei de Flack`le)
sowie

Christine und Bernd Schleevoigt

Man ist glücklich verheiratet, wenn man lieber
heimkommt als fortgeht.
Heinz Rühmann



Heit werd gespielt!
in Vereinshaus
am Donnerstag,
06. Oktober 2016,
18.00 Uhr

Brengt eire Spielerei mit!


...un dann in November is
unner beliebter Bastlobnd

in Vereinshaus
am Donnerstag,
10.11.2016, 18.00 Uhr

guckt siech im nooch wos rutn un sieht paar rute Blusn un aa e paar aanzelne rute Mitzn un Gackn. Mei Klaane tat inzwischn aa imharschnüffln. „Su in Bleedsinn“, soocht de Gruße Maad zr Klenn, „Des rute Zeich kaa mr doch net aazieh, des stieht uns gelei gar net!“ De Klaane saat do nicht drzu, un su sei se mitenanner wetter ihrn Wag durch de Agebotsreih gange. Nooch ner ganzn Weil – sulang wie halt Weibsn innern Lodn brauchn, - sei se wieder naus ausn Geschäft kumme un ham ne Hamweg aagetraatn. Drham saat mei Gruße ze meiner Fraa, des des nu net gerod e guter Tog forn Eikaafn war, weil – die Aktzjon mit dem Rutn is nu net gerod is wahre, des rute Aaziezeich wär nu net grod ihr Fall. Do saat

mei Fraa, su ne Rabatt-Sach kennt se gar net, die machen doch sinst suwos mit Punkte, die se do naa pappern. Do fängt mei Klaane a ze lachn un saat: „Net de Ware die rut is war gemaant, im de rutn Punkte gings, allis wos in rutn Punkt hat war runnergeseht! Iech wollt dirs eingtlich schu im Lodn sogn, aber iech wollt aa net, des mir eweng dabbisch do stenne vor dare Vorkaiferin!“ De Gruße tat erscht ewen guckn, dann ham se siech alle beede ausgeschütt vor Lachn, su sehr, desse siech ball nimmer eikricht hätt. Später am Toch kam dann noch ne gute Freindin bei uns vorbei un nooch nern klenn Latschers saat se, des se noch schnell zen NKD muss, eh die zu machen. Do ham die zwee Weiber wieder aagefange mit lachn un saatn ze ihr: „Do pass när ganz besonnensch auf des Rute Zeich auf, do gibt's in ganzn Haufen Prozenter drauf!“

Bis zr nächstn Blattlausgab
- Eier Schmidti



Impressionen
vu ubn
zen
Gewerbefest

Wenn mr heizetoch eikaafn geht...

Eikaafn for des, wos mr esu jedn Tog braucht, muss ja nu mol sei. Do is nischt drgegn ze sogn. Mr will ja schließlich halmwags gut labn un do gehärt nu mol Ass nun Trinken drzu. Is gibt aber aa Ladle, die müßt mr eingtlich net of jedn Wag aufsuchn, weil mr schu genuch vu den Zeich, des do gibt, ganz bestimmt drham hat. Is is ja nimmer wie in Sozialismus!



Ward ihr schu mol in Eimstocker NKD-Lodn? Ganz bestimmt - wenn aa net grod de Manner, aber de Weibsn ganz sicherlich! Mei Fraa geht do dauernd nei: Is gäb ja aa immer ewos ganz preiswerts-billichs! Un des derf mr net vorpassn, sinst kaafts ja e annerer! Tja, die ham Werbeaktsjone drauf von Samstich-Rabatt bis Sunstwuhe, die lessn siech immer wieder wos eifalln, im de Leit aus dr Wuhning ze lockn! Do warn vor kurz n meine weiblichn Kinner samtn Enkl aus dr Schweiz bei uns ze Besuch - un wills dr Teifl - dr erscht beste Spaziergang ging bein NKD vorbei. Ja, vorbei wär ja gut gewaasn, aber des is wie e Mangneet, do ziehts en fermlich nei! Sammt dr Kinnerkutsch - ach naa, des haaßt ja heizetoch Baggi (des is eweng ausländisch-englisch un werd „Buggy“ geschriebn)! Afach Kutsch ze sogn is ja direkt ne Beleidigung! Also sammt ne „Buggy“ sei se - neugierich wie se nu mol sei - in den Lodn neigestürmt. Mei grüße Maad is eweng schneller vornewag gewaasn un tat siech schu mol in dr grußn Auswahl-Rund imguckn un durchlaafn. Vielleicht gäbs ja wos Guts for se selber oder aber forne Klenn im „Buggy“. Se kam dodrbei aa bei dr Bedienung vorbei. Un die tat ihr geheimnisvoll sogn: „Of allis Rute gibt's heit in gutn Rabatt!“ sprochs un zeicht aa aufn Schmuck, dar an dr Kass ausgestellt war. Mei Gruße dacht, nu wos söll nu des, dar Schmuck is doch gar net rut? Un geht gelei do dra vorbei,

De Ieberschung is wieder mol gelunge



Um Sechse, langsam den Obnd aagieh, erscht emol assn: Schnitzel mit ne gutn Ardäpplsalat. Um Sieme warn de Ieberschungsgäst aagekindicht - aber do war weit un braat noch niemand ze sah - aber halt: dr klennste war schu ieberpüntlich rachtzeitich do. Dr klaane Hans hats ja aa mit seiner Mam net racht weit, die kame ja aus dr Schennaad. Ja dr Hans is schu e

ganze Weil bei ne Arzgebirgangsambel aus Aue drbei, weil ar su gut Gedichtle aasogn kaa. Des is wos lustichs fors Publikum un e schiener klaner Gung mit seiner Ubekimmertheit kimmt immer gut aa. Jednfalls bi iech schu eweng uhrulich wurn, is wird doch nischt passiert sei? Esu sechs oder gar siem Minutn nooch Sieme kame de zwee Gustn vun Angsambel de Stroß lang geschlenkert un ham siech erscht emol aageguckt, wu se in den Huf parkn un auslodn kunntn. Auf mei Froch, warüm se su lang gebraucht ham bis in unner Eimstock, saat dr Kindt, Steffn: „Do war mei Fraa dra Schuld! Die saat namlich, wenn de in Gerald vun Barmsgrie ohulst, kaste gelei Schwarznbarg - Lauter - Bucke - Eimnstock fahrn, des is de kürziste Streck, do braucht ihr net esu lang!“ Aber in dr Bucke war ja de Stroß wagn dr Bauerei gesperrt, su des se ieber Stock un Staa quar durch de eingtlich gesperrte Baustell fahrn mußtn, des wär e tichtsichs Geholper gewaasn! Nu wu se nu endlich do warn ham mir allis schnell nooch ubn geschafft, de ganze Technik samt Lautspracher-türml un Mischpult. Des die zwee bein singe, weil die ihr bunts Programm esu ausge-



richt ham, wies itze su ieblich is: Do wird laif (des haaßt richtich gesunge) un de Musik kimmt drzu ieber di Schieberechler aus den Pult zun Lautspracher, des nennt dr Fachmaa Halbpleebäck, alsu, de Hälft vun Vürtroch, de Musik, werd eigespielt. Un des gieht gut, dodrvu kunntn mir uns ja alle ieberzeign! Vu arzgebirgisch bis Udo Jürgens un den Ami Frank Sinatra ham die allis singe könne, un des aa noch richtich gut! Un



wie eigangs drwähnt - gut unnerstützt un gewürzt mit de Gedichtle vun unnern Hans. Ganz besonnersch war sei Gedicht-Geschicht vun Hänsl un Gretl, in nr ganz moderne Form, denn die sei ja neierdings mit nern Händi in Wald unnerwags un ieberlistn die alte Dame. Unner Obnd war aa gut besucht, un iech glaab, is hat alln besonnersch gut gefalln. Die zwee Manner ham noch bei uns ewos gassn un getrunkn - alko-

holfrei vorstieht sich - un ham aa noch eweng mit unner Leit redn un lachn kenne. Bei dr Vorabschiedung hob iech vor alln in Steffn gute Gesunthaat gewünscht, dodrmit ar noch vieln Besuchern bein Arzgebirgangsambel schiene Stundn in unnerer heimatlichn Art viel Fraad bereitn kaa. Denn Gesunthaat kaa dar in ganzn Haufn gebrauchn!

Bis zen nächstn Mol!
Dr Vorstand un dr Schmidt!

